

**Talamdan sa
sa Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 10

**Magkinabuhi diha sa Realidad sa Lawas ni Cristo
sa Pagsinati kang Cristo nga Realidad sa Mga Halad**

Basahong Kasulatan: 2 Cor. 5:21; 1 Ped. 2:24; Juan 6:57; 1 Cor. 10:17; 2 Cor. 1:9;
Efe. 1:21; 2:14-17; Fil. 2:17; Heb. 2:17-18; 4:14-16; 10:5-10; Bug. 1:18; 2:8

- I. Si Cristo ang katumanan, ang puli, ug ang realidad sa tanang halad—Heb. 10:5-10.**
- II. Isip realidad sa halad tungod sa sala, gihimong sala si Cristo tungod ug alang nato ug namatay sa krus aron mabatokan ang masal-anong kinaiya sa hulog nga pagkawatwo nato—2 Cor. 5:21; Rom. 8:3; Juan 3:14:**
 - A. Gihimong sala si Cristo alang nato aron mahukman ang sala pinaagi sa kamatayon Niya sa krus—Lev. 4:1-3, 13-14, 22-23, 27-28.
 - B. Ang daotang kinaiya ni Satanas nga naa sa unod sa tawo gihukman didto sa krus pinaagi sa kamatayon ni Cristo sa dagway sa bitin aron makabaton og kinabuhing walay kataposan ang mga magtutuo—Juan 3:14-16; 1:14; Rom. 8:3.
 - C. Isip Persona nga wala makaila og sala, gihimong sala si Cristo tungod nato aron mahimo tang pagkamatarong sa Dios diha Niya—2 Cor. 5:21.
- III. Isip realidad sa halad tungod sa paglapas, gidala ni Cristo ang atong mga sala diha sa kaugalingon Niyang lawas ug gihukman sa Dios didto sa krus aron mabatokan ang masal-anong mga binuhatan nato aron mapasaylo ta sa masal-anong gawi nato—1 Ped. 2:24; 3:18:**
 - A. Ang paghimo nato ni Cristo nga atong halad tungod sa paglapas inubanan sa pagsugid sa atong mga sala maoy paagi nga maampingan ta diha sa pakig-ambitay sa kinabuhi aron motubo ta sa kinabuhi hangtod mahamtong sa kinabuhi—1 Juan 1:2-3, 5-9; Buh. 24:16.
 - B. Ang paghimo nato ni Cristo nga atong halad tungod sa paglapas aron mapasaylo ang mga sala moresulta sa pagkahadlok nato sa Dios ug paghigugma nato Niya—Sal. 130:4; Luc. 7:47-50.
- IV. Ang halad nga sinunog, nga bug-os gyong alang sa pagtagbaw sa Dios, nga kalan-on alang sa Dios, nagtimaan ni Cristo nga kahimuot ug katagbawan sa Dios, kansang pagkinabuhi dinhi sa yuta bug-os gyong alang sa Dios—Lev. 1:3; Num. 28:2-3; Juan 5:30; 6:38; 8:29:**
 - A. Sa pagtapion nato sa atong mga kamot ni Cristo nga halad nga sinunog, nadugtong ta Niya, ug nausa Siya ug kita; nianang pagkausaha gipangako Niya ang tanan natong kaluyahon, mga apan, ug mga sayop, ug naatoa ang tanan maayong gawi Niya—Gal. 2:20a.
 - B. Himoon gyod nato si Cristo nga halad nga sinunog nato adlaw-adlaw aron masinati nato si Cristo sa kasinatian Niya isip halad nga sinunog, dili awaton si Cristo sa dayag kondili ikinabuhi Siya sa adlaw-adlawng kinabuhi nato—Lev. 1:2-4; 6:12-13; itandi sa 2 Tim. 2:6; 2 Cor. 5:14-15; Fil. 1:19-21; Buh. 27:22-25.
- V. Isip realidad sa halad nga kalan-on/lugas, si Cristo sa hingpit nga pagkatawo Niya kalan-on alang sa Dios ug sa mga nakig-ambitay sa Dios ug nag-alagad Niya—Juan 7:46; 18:38; 19:4, 6:**

- A. Ang halad nga kalan-on/lugas nagtimaan ni Cristo sa pagkatawo Niya nga kalan-on sa Dios ug labi na gyod sa mga nakig-ambitay Niya ug nag-alagad Niya—Lev. 2:2-4.
- B. Kon kan-on nato si Cristo nga halad nga kalan-on/lugas, kon unsay gikaon nato mahimo tang ingon niana ug magkinabuhi ta pinaagi sa gikaon nato—Juan 6:57; 1 Cor. 10:17.
- C. Isip mga magtutuo ni Cristo ug mga bahin ni Cristo, mahimo gyod unta tang hulad ni Cristo nga halad nga kalan-on/lugas—2 Cor. 4:10-11; 1 Cor. 10:17.

VI. Isip realidad sa halad sa pakigdait, si Cristo ang Tighimog Panagdait, ang nahimong panagdait tali nato ug sa Dios sa pagpakamatay Niya alang nato—Efe. 2:14-15:

- A. Ang resulta sa pagpahimulos nato ni Cristo nga atong halad tungod sa sala, halad tungod sa paglapas, halad nga sinunog, ug halad nga kalan-on/lugas mao ang pagpahimulos kang Cristo nga halad sa pakigdait—Lev. 3:1-2; 6:12; 7:37.
- B. Si Cristo ang kadait tali sa Dios ug sa katawhan sa Dios aron makapahimulosay sila—itandi sa 1 Cor. 1:9.
- C. Mosinati gyod ta ni Cristo nga halad sa pakigdait alang sa Lawas ni Cristo—Efe. 2:14-17; 4:3; 6:15; Col. 1:20-22; 3:15.
- D. Diha sa iglesiahanong kinabuhi, makigdait gyod ta sa tanang butang, sa tanang bahin, ug sa tanang tawo; alang niini gikinahanglan nato ang Ginoo sa kadait kun kalinaw nga maghatag natog kalinaw sa tanang bahin—Heb. 12:14; 1 Tes. 5:13b; 2 Tes. 3:16.

VII. Isip realidad sa halad nga tinabyog, si Cristo ang nabanhaw, ang buhi—Bug. 1:18; Buh. 2:24:

- A. Ang halad nga tinabyog naghulagway ni Cristo nga nabanhaw, ang buhi—Lev. 7:30; 23:10-11; Bug. 1:18; 2:8.
- B. Isip mga bahin sa Lawas, mosinati gyod ta ni Cristo sa pagkabanhaw Niya ug madala ngadto sa pagkabanhaw—Efe. 2:5-6; Fil. 3:10-11.
- C. Nagbuhat ang Dios pinaagi sa krus aron taposon ta aron dili na ta mosalig pa sa atong kaugalingon kondili sa Dios sa pagkabanhaw—2 Cor. 1:9.

VIII. Isip realidad sa halad nga binayaw, si Cristo ang gamhanan nga nikayab ug gituboy—Efe. 1:21:

- A. Ang halad nga binayaw, ang halad nga gibayaw atubangan sa Ginoo, naghulagway naghulagway ni Cristo sa nikayab ug gituboy, ang “labaw sa tanan”—Lev. 7:14, 32; Efe. 1:21.
- B. Sa pagkayab ni Cristo gihimo Siyang Ulo ibabaw sa tanang butang ngadto sa iglesia—vv. 22-23.
- C. Sa langitnong pagpangalagad ni Cristo sa pagkayab, gipangako ta Niya sa presensya sa Dios ug giatiman ang tanan natong panginahanglan sumala sa tinguha sa Dios—Heb. 2:17-18; 4:14-16.

IX. Isip realidad sa halad nga ilimnon, si Cristo ang gibubo ingog bino atubangan sa Dios aron matagbaw Siya—Fil. 2:17:

- A. Ang halad nga ilimnon naghulagway ni Cristo nga gibubo ingog tinuod nga bino atubangan sa Dios aron matagbaw Siya—Exo. 29:40-41.
- B. Naghulagway ang bino sa nisakripisyong Cristo, sa Cristo nga nisakripisyo sa tanan Niya, ug tungod sa pagsakripisyo Niya nagpalugwa Siyag bag-ong bino nga molipay sa Dios ug sa tawo—Huk. 9:13.
- C. Naghulagway ang halad nga ilimnon dili lang ni Cristo mismo kondili ni Cristo sab nga nagpasurow nato sa Iyang Kaugalingon nga langitnong bino hangtod mausa Siya ug kita aron ibubo para makapahimulos ug matagbaw ang Dios ug alang sa pagtukod sa Dios—Mat. 9:17; Fil. 2:17; 2 Tim. 4:6.